

Broj: 06-02-2-1242/14  
Datum: 01.07.2014. godine

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO: 24.07.2014			
Organizaciona jedinica	Klasifikaciona oznaka	Redni broj	Godina
01-50-1-15	67	14	

Uz: 01-50-1-15-30/12

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
ZASTUPNIČKI DOM/PREDSTAVNIČKI DOM**

**Predmet:** Odgovor na poslaničko pitanje, dostavlja se

Uvaženi zastupniče, g-dine Šemsudine Mehmedoviću,

Ovo ministarstvo je zaprimilo urgenciju Predsjedavajućeg Predstavničkog doma Parlamentarne Skupštine BiH, akt broj 01/a-50-1-15-67/14 zbog toga što nismo odgovorili na Vaše zastupničko pitanje, koje ste postavili na 67. Sjednici Predstavničkog doma Parlamentarne skupštine Bosne i Hercegovine, koja je održana 28.05.2012. godine.

Najprije želimo da Vam se izvinimo u naše ime, zbog izostanka odgovora. Ujedno želimo istaći, da smo uvidom u upisnik predmeta, koji se vodi na Protokolu ovog ministarstva, utvrdili da u pomenutom periodu nismo ni zaprimili akt sa Vašim upitom. To je ujedno i jedini razlog što do sada nismo odgovorili na Vaše zastupničko pitanje. Molimo da ovaj razlog uvažite.

Na pomenutoj sjednici, postavili ste slijedeće pitanje:

„Kada će nadležno ministarstvo izdati odobrenje za rad tehničkog pregleda u Bihaću firmi „Autocomerc“ d.o.o. Bihać?“.

Odmah da kažemo da je odobrenje za rad stanice tehničkog pregleda „Autocomerc“ d.o.o. Bihać dato rješenjem ovog ministarstva, broj: 06-27-12-619-4/12 od 22.10.2012. godine.

Izdavanju predmetnog rješenja, prethodila je slijedeća procedura, u kojoj i leže razlozi za neizdavanje traženog rješenja u roku u kojem je to imenovano privredno društvo očekivalo. Naime, imenovano privredno društvo se zahtjevom za izdavanje odobrenja za rad stanice tehničkog pregleda u Bihaću obratilo ovom ministarstvu dana 05.06.2012. godine. Prije tog perioda, u objektu stanice tehničkog pregleda imenovanog, po potpisanom ugovoru o zakupu odobrenje za rad stanice tehničkog pregleda imalo je privredno društvo „Alios“ d.o.o. iz Bihaća. Potpisani ugovor o zakupu trajao je do 28.05.2012. godine, do kada je privredno društvo „Alios“ d.o.o. iz Bihaća i obavljala usluge tehničkog pregleda kao ovlašteno privredno društvo. U toku trajanja navedenog ugovora o zakupu, Porezna uprava, Kantonalni ured u Bihaću, Odsjek za prinudnu naplatu, izvršio je putem licitacije prodaju opreme za obavljanje tehničkog pregleda vozila, Uvjerenje navedenog organa, broj 13-1/01-15-5263-30/09 od 26.01.2011. godine. Oprema je prodana i novi vlasnik opreme postalo je privredno društvo „Alios“ d.o.o. iz Bihaća, koje je u tom periodu i obavljalo tehničke preglede u objektu stanice za tehnički pregled, koje je vlasništvo firme „Autocomerc“ d.o.o. iz

Bihaća. Prestankom važenja ugovora o zakupu, potpisanog između ova dva navedena poslovna subjekta, privredno društvo „Alios“ d.o.o. iz Bihaća je izuzelo svoju opremu, te je ovo ministarstvo svojim aktom broj: 06-27-619-3/12 od 15.06.2012. godine pozvalo firmu „Autocomerc“ d.o.o. iz Bihaća da dostavi dokaz da posjeduje opremu za obavljanje tehničkog pregleda vozila, bez koje se ne može izdati odobrenje za rad stanice tehničkog pregleda, kako bi se mogao pozitivno riješiti podneseni zahtjev.

Privredno društvo „Autocomerc“ d.o.o. iz Bihaća je tražene dokaze da posjeduje opremu za stanicu tehničkog pregleda dostavilo ovom ministarstvu dana: 03.09.2012. godine i to: račun za novonabavljenu opremu broj. 08/12 od 03.09.2012. godine (putem telefaksa dana 18.09.2012. godine) i Izvještaj o ispitivanju iste koji su izdati dana 17.09.2012. godine od strane laboratorije „Tehnounion“. Tu dokumentaciju je ministarstvo zaprimilo 21.09.2012. godine.

Po prijemu navedenih dokaza, ministarstvo je nastavilo sa rješavanjem podnesenog zahtjeva i doneseno je rješenje broj 06-27-12-619-4/12 od 22.10.2012. godine kojim je dato odobrenje za rad stanice tehničkog pregleda navedenog pravnog subjekta. Nakon prestanka važenja ugovora o zakupu, firma „Alios“ d.o.o. je ovom ministarstvu uputila akt u kojem navodi da firma „Autocomerc“ d.o.o. iz Bihaća ne ispunjava zakonske obaveze za uplatu javnih prihoda, te je ministarstvo aktom broj: 06-27-1577-1-3/12 od 12.10.2012. godine pozvalo firmu „Autocomerc“ d.o.o. iz Bihaća da dostavi dokaz da nema neizmirenih obaveza po indirektnim porezima, po direktnim porezima, te da nema neizmirenih obaveza za doprinose za penzijsko-invalidsko osiguranje svih zaposlenih. Na ovaj akt, firma „Autocomerc“ d.o.o. iz Bihaća dostavila je Izjavu ovjerenu kod notara Merhunise Begić iz Bihaća, da će sklopiti Sporazum o izmirivanju poreskih obaveza i drugih obaveza po osnovu javnih prihoda i da će iste dostaviti ovom ministarstvu dostaviti u roku 90 dana od dana dobijanja ovlaštenja za rad. Ovaj dokument je ministarstvo zaprimilo 22.10.2012. godine, na osnovu kojeg je i sačinilo rješenje kojim je dato odobrenje za rad firmi „Autocomerc“ d.o.o. iz Bihaća. Sva navedena dokumentacija iz ovog akta se nalazi u arhivi ovog ministarstva i istu je moguće dobiti na uvid.

Iz dostavljenog odgovora vidljivo je da ne stoje konotacije političke diskriminacije u navedenom slučaju, već je samo riječ o sticanju propisanih uslova za rad stanice tehničkog pregleda, jer stanica tehničkog pregleda nije imala opremu za rad stanice tehničkog pregleda u vrijeme kada je podnesen zahtjev od strane privrednog društva „Autocomerc“ d.o.o. iz Bihaća. Složit ćete se, a to je u skladu i sa propisima kojima je regulisan rad stanica tehničkog pregleda (Pravilnik o tehničkim pregledima, „Službeni glasnik BiH“, br. 13/07; 72/07; 74/08; 3/09; 76/09 i 29/11), da bez ispravne i kompletne opreme za stanicu tehničkog pregleda ne može ni biti dato odobrenje za rad istoj.

Uvaženi poslanice, nadamo se da ste zadovoljni datim odgovorom.

**MINISTAR**  
mr. Enver Bijedić



Dostaviti:

- Vladi Federacije BiH – Uredu premijera
- Zastupničkom domu/Predstavničkom domu  
Parlamentarne skupštine BiH
- Sekretaru doma
- Evidenciji
- a/a